



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Beati P. Philippi Nerii Florentini. Congregationis Oratorii Fvndatoris

Gallonio, Antonio

Mogvntiæ, 1602

Virginem Flammettam pedibus propè captam sanat.

urn:nbn:de:hbz:466:1-43172

Tum cupida mulier exiliendi è lectulo rogat iterum B. Philippum, vt sibi subuentum esse velit. Nec de spe decedit; vigilantī namque iterū sese obtulit videndum (tanta autem affirmabat mulier pulchritudine esse, vt nulla species ne excogitari quidem posset ornatior) eiusq; mēbra manu prehensa extendit: à capite, scapulisq; initium facit: quo peracto ex oculis elabatur. Tum Drusilla die iam illucescente gratulabunda surgit è lecto: obortis præ gaudio lacrymis nullum B. Patri gratias agendi modum facit. Continuauit is morbus minus quàm decem dies.

*Virginem Flammendam pedibus propè
captam sanat.*

FLammetta Nannonia (id feminæ cognomen) quintū & quinquagesimum annum agens in itinere cum esset vehiculi cuiusdam impetu ad terrā impellitur: cūq; inde
surgere

*Totam rē
Caesar
Card. Baronius, qui
agra confessionem
olim audi-*

*re solutus
erat sacra-
mento te-
stificatus
est: idemq;
fecere alij.*

surgere non posset, ex pedibus alter à vehiculi rotis comprimitur: qui primùm intumuit: tumori deinde ingens protinùs dolor accessit: pedibus consistere cum non posset, in lectulo collocatur; adhibentur medici, varijs medicamentorum generibus pars dolens fouetur: sed frustra omnia; is enim locus non dolores modò habebat, punctionesque continuas, sed confractionem etiã, neruorumque infirmitatem.

Interea cum id malum ad menses fere vndecim sustinuisset, diuinitus tandem hoc anno, Octobri mense impelli se sensit, vt si ex morbo euadere cuperet, voti uã Beato Philippo tabellam voueret eiusque, ac Deiparæ Virginis preces efflagitaret. Voto nuncupato pristinam ex templò membrorum firmitatem recuperat, gressum recipit, pedem argenteum apud B. viri sepulchrũ tanti miraculi argumentum suspendit.

Infan-